



PERDANA  
LEADERSHIP  
FOUNDATION  
YAYASAN  
KEPIMPINAN  
PERDANA

PERDANA LIBRARY  
PERDANA LEADERSHIP FOUNDATION  
NEWSPAPER CLIPPING

Newspaper	Berita Harian
Date	23/11/2012



Najib dan Rosmah bersama Mahathir dan Hasmah bergambar dengan kanak-kanak dari 'Children's Charter to Criminalise War' pada Majlis Makan Malam 'War Affected Children' di PWTC, malam tadi. Turut serta Menteri Penerangan, Komunikasi dan Kebudayaan, Datuk Seri Utama Rais Yatim dan isteri, Datin Seri Masnah Rais. [FOTO AIZUDDIN SAAD/BH]

## Masyarakat dunia kena berani tolak keganasan

BH-23/11/12

**Kuala Lumpur:** Masyarakat dunia perlu berani menolak keganasan walau dalam apa bentuk sekali pun ia dilakukan, kata Perdana Menteri, Datuk Seri Najib Razak.

"Dalam masa sama, kita juga perlu sentiasa dipandu oleh cahaya dari perspektif ketelusan moral.

"Kesungguhan dipamerkan oleh pihak yang lantang menentang konflik sebegini menjadi inspirasi bukan saja untuk masa depan tetapi buat ge-

nerasi masa kini," katanya pada majlis penutup Persidangan Antarabangsa Mengenai Isu Kanak-Kanak Menjadi Mangsa Dari Kesan Peperangan di Dewan Tun Dr Ismail, Pusat Dagangan Dunia Putra (PWTC) di sini, malam tadi.

Hadir sama, isteri Perdana Menteri, Datin Seri Rosmah Mansor.

Turut hadir, pengasas yang juga Pengerusi Yayasan Menjenayahkan Perang Kuala Lumpur (KLFCW), Tun Dr Ma-

hathir Mohamad dan Pengasas Kelab Menjenayahkan Peperangan (Malaysia), Tun Dr Siti Hasmah Mohd Ali.

Justeru, Najib berkata, menjadi tanggungjawab generasi pemerintah masa kini membuat perubahan untuk kanak-kanak supaya mereka menerima kehidupan seperti sepatutnya.

### Masa depan lebih baik

"Masih ada harapan untuk masa depan yang lebih baik, kurang keganasan, di mana kanak-kanak dapat menikmati hak mereka untuk hidup dengan aman," katanya.

Beliau turut meluahkan rasa syukur dengan keputusan

gencatan senjata di Gaza pagi semalam.

"Saya bersama pemimpin antarabangsa lain juga berharap agar sekatan dikenakan ke atas Gaza hentikan serta-merta, supaya rakyat Palestin mendapat hak kehidupan serta maruah mereka semula," katanya.

Pada majlis itu, RM1 juta disumbangkan kepada Tabung Kecemasan Gaza hasil derma Tabung Akaun Amanah Kemanusiaan Rakyat Palestin yang diusahakan Rosmah.

Sementara itu, Kelab Menjenayahkan Perang turut dilancarkan di semua sekolah di seluruh negara dengan KLFCW sebagai pembekal modul.